



2026-27 बरे लेई बजट तयार करने दे इक हिस्से दे तौर पर खजाना मैहकमा पैहली दिसम्बर  
थवां बजट प्रस्ताव पर चर्चा शुरु करोग। आकाशवाणी जम्मू संवाददाता दी रिपोर्ट मुजब  
प्रशासनिक सचिवें गी सूचित कीता गया ऐ जे 36 मैहकमे कन्नै एह चर्चा 16 दिसम्बर तगर  
जारी रहोग। इस दौरान 2025-26 आहले बजट पर चर्चा ते 2026-27 लेई बजट तयार करने पर  
विचार-विमर्श होग। इस दौरान राजस्व खर्चे कन्नै प्रायोजित स्कीमें- PMDP ते दोआर सरबन्धी

चीजें पर ध्यान दिता जाग। मैहकमे गी आखेया गया ऐ जे ओह कीती गेदी कारवाइयें बारे रिपोर्ट FRBM ब्यौरा ते PPT बी जमा करोआन।

<><><><><><>

### Artisan Award

दस्तकारी ते हत्थखड्डी मैहकमा अज्ज श्रीनगर दे SKICC च UT कारीगर पुरस्कार-2024 प्रदान करोग। उप-मुख्यमंत्री सुरिंदर कुमार चौधरी होर एह पुरस्कार प्रधान करगंन। मैहकमे दे इक प्रवक्ता मुजब-38 कारीगरें दा चयन कीता गेदा ऐ- जेहदे चा जम्मू थमां 18 ते कश्मीर थमां 20 कारीगर शामिल न। इस पुरस्कार च प्रशस्ति पत्र ते 50 जहार- 30 जहार ते 20 जहार दे नकद ईनाम शामिल न। मैहकमे नै आखेया ऐ जे इस पैहलकदमी दा मकसद जम्मू-कश्मीर दी समृद्ध दस्तकारी गी बचाने च कारीगरें दी अहम भूमिका गी पंछानना ऐ।

<><><><><><>

### Heritage Walk

विरासती सप्ताह दे सरबंध्य च सैलसफा मैहकमा जम्मू आस्सेया जिला प्रशासन जम्मू दे सहयोग कन्नै मुबारक मंडी परिसर थवां अमर महल तगर अज्ज बड्डलै Heritage Walk दा सरिस्ता कीता गया। इसदा मकसद मुकामी संस्कृति इतिहास ते सैलसफा गी बढ़ावा देना- इसदे च मुकामी लोकें-विद्यार्थियें ते सैलसफा कन्नै जुड़े दे सरबंधी धड़े हिस्सा लैता। इस दौरान सब्बनैं गी विरासती थाहरें बारे जानकारी बनाया गया- प्रतिभागियें गी जागरूक कीता गया ते खिते दी विरासत ते ओदे संरक्षण दे महत्व गी उजागर कीता गया।

<><><><><><>

### CS Const. Day

मुख्य सचिव अटल डुल्लु होरें कल पूरे जम्मू-कश्मीर च संविधान दिवस दे भव्य कार्यक्रम दी तयारियें दी समीक्षा कीती। एह कार्यक्रम संविधान गी अपनाने दी 75मीं बरे गंड दे बरे लम्बे चला करदे कार्यक्रम दा समापन समारोह होग। सब्बनैं मैहकमें गी एह निर्देश दिते गेन जे आपस च तालमेल बनाइयै 26 नवम्बर 2025 गी यानि कल आली गतिविधियें गी यकीनी बनान। इस कार्ययोजना च बड्डलै 11 बजे सामूहिक प्रस्तावना दा पाठ सब्बनैं जिलें च न्याय- आजादी-समानता ते भाईचारें लेई दौड़ ते संवैधानिक विशें पर Screening शामिल ऐ। इस अभियान तैहत

पैहले गै प्रदेश भरै च 5 जहार 9 आयोजन होई चुके दे न। नागरिकें गी ऑनलाईन संगंध चुकने ते संविधान Quiz च शामिल होने लेई प्रोत्साहित कीता गया ऐ।

<><><><><><>

### Prog. Announcement

आकाशवाणी दा क्षेत्रीय समाचार एकांश कल 26 नवम्बर 2025 गी संविधान दिवस दे मौके पर 30एं मिन्टे दा इक विशेष कार्यक्रम प्रस्तुत करने जा रदा ऐ- जेहदा विशे सार ऐ- “भारत दे संविधान च नागरिकें दे मौलिक अधिकार ते कर्तव्य”। कल दपैहरी साइडे 12 बजे प्रसारत होने आहले इस कार्यक्रम च स्हाड़े विशेष परौहने होगन- जम्मू युनिवर्सिटी च कानून विभाग दे अस्सिस्टेंट प्रोफैसर डॉ. रजनीश खजूरिया होर- जेड़े इस विशे पर अपने माहिराना विचार सांझे करगन। उन्दे कन्नै गल्लबात करगन स्हाड़ियां एंकर श्रुति खजूरिया। एह कार्यक्रम तुस स्हाड़े इस्सै चैनल मीडियम वेव 303 मीटर यानि 990 किलोहर्टस ते एफ.एम सौ इशारिया 3 मैगाहर्टस पर सुनी सकदे ओ।

<><><><><><>

### Transport Guidelines

ट्रांसपोर्ट मैहकमे नै जम्मू-कश्मीर च पंजीकृत गड्डियें गी चलाने आहलें डीलरें दे पंजीकरण ते इजाज़त लेई नमें दिशा-निर्देश जारी कीते न। इस ढांचे च पंजीकृत गड्डियें दी पुनर्बिक्री- स्टॉक जां हैंडलिंग कन्नै कम्म करने आहले सब्भनै इदारें लेई VAHAN प्लेटफार्म दे राएं पूरी डिजिटल ट्रेसेबिलिटी दे कन्नै प्राधिकरण लाजमी बनाया गया ऐ। मुख् प्रावधानें च ऑनलाईन आवेदन-परिसर दी जांच- पंज बरे दी प्राधिकरण वैधता- रीयल -टाईम रिपोर्टिंग ते सख्त के.वाई.सी. अनुपालन शामिल न। आर.टी.ओ ते प्रवर्तन अधिकारी गैर- अधिकृत डीलरें दा निरीक्षण करगन ते उंदे खलाफ कारवाई करगन। ट्रांसपोर्ट कमिशनर विशेषपाल महाजन होरें आखेया ऐ जे इस गैह कन्नै धोखाधड़ी पर रोक लगगोग ते पारदर्शिता बी बधोग।

<><><><><><>